

KELEWATAN AGIH BAYARAN TUNGGAKAN PENEROKA FELDA

Azmin umum punca sebenar

➔ Peruntukan RM77 juta sudah diluluskan 20 Disember tahun lalu

Laporan Syed Umar, Nasaruddin Mohd Parzi, Rizanizam Abdul Hamid, Sharaani Ismail, Nik Sukry Ramli dan T N Alagesh
cnews@nstp.com.my

► Lipis

Punca sebenar kelewatan pengagihan bayaran tunggakan kepada peneroka FELDA akan diumumkan Menteri Hal Ehwal Ekonomi, Datuk Seri Mohammed



Azmin Ali yang dijangka hadir membantu jentera kempen Pakatan Harapan (PH) di Sungai Koyan, hujung minggu ini.

Menteri Kewangan, Lim Guan Eng berkata, peruntukan RM77 juta sudah diluluskan kerajaan Pusat pada 20 Disember lalu dan sepatutnya isu kelewatan penga-

gihan bayaran tidak berlaku.

"Duit sudah ada, dan kita pun nak tahu kenapa masih belum boleh agihkan kepada peneroka.

"Jadi, kita tunggu (Datuk Seri) Mohammed Azmin datang dalam minggu ini untuk jelaskan perkara dan penyelesaian kepada masalah ini.

Harap tidak jejas peluang PH menangi hati pengundi

"Kita harap perkara ini tidak akan menjejaskan peluang PH untuk memenangi hati pengundi kawasan Sungai Koyan yang kebanyakannya adalah peneroka," katanya.

Beliau berkata demikian dalam sidang media selepas melancarkan slogan PH bagi Pilihan Raya Kecil (PRK) Cameron Highlands di Bilik Gerakan PH Sungai Koyan, di sini, semalam.

Yang turut hadir Pengerusi Majlis Pimpinan Parti Keadilan Rakyat (PKR) Pahang, Fuziah

Salleh dan calon PH, M Manogaran.

Kementerian Kewangan pada 20 Disember lalu mengumumkan peruntukan khas berjumlah RM77 juta bagi membantu peneroka FELDA melunaskan bayaran tertunggak pada tahun semasa bagi mengatasi masalah aliran tunai FELDA yang sangat kritikal ketika ini.

Peruntukan itu adalah bagi membantu peneroka FELDA melunaskan bayaran tertunggak seperti bayaran khairat kematian berjumlah RM1.2 juta membabitkan waris kepada 120 peneroka yang sudah meninggal dunia.

Selain itu, bayaran tunggakan kepada FELDA Technoplant Sdn Bhd bagi kerja operasi pembangunan ladang peneroka sebanyak RM43 juta dan bayaran sara hidup serta pendahuluan hasil tanam semula berjumlah RM32.8 juta untuk manfaat 38,000 peneroka FELDA.